

《大智度論》的「四無量心」

釋開仁編 2021/11/6

目次

一、修習四無量心之動機.....	2
(一) 欲令心曠大清淨，成利益願.....	2
(二) 眾生無所得，而自得無量福.....	2
二、四無量心之內容.....	2
(一) 四無量心的定義.....	2
(二) 四無量心所對治的煩惱.....	2
(三) 四無量心的體性.....	3
(四) 修慈是修定福的方法之一.....	3
(五) 別述慈、悲、喜、捨.....	3
(六) 慈悲喜捨四事之次第.....	6
(七) 慈悲喜捨四者之間的關係及差異.....	7
(八) 慈悲遍大的意義.....	7
三、慈心（四無量心）之功德.....	8
(一) 慈心有五功德.....	8
(二) 修定福處但說慈的理由.....	9
(三) 四無量心的果報極處.....	9
(四) 修慈心是種三十二相的因緣之一.....	10
四、四無量心之法門分別.....	11
(一) 聲聞對四無量之法門分別.....	11
(二) 慈悲（四無量）是有漏或無漏.....	12
五、大乘的四無量心.....	14
(一) 大乘的三種慈.....	14
(二) 無緣慈悲，亦名佛眼.....	15
(三) 證得實相的菩薩，亦有無緣大悲.....	15
(四) 菩薩的禪度，亦重視四無量心.....	15
(五) 般若與慈悲之關係.....	17
(六) 大乘與二乘、凡夫的慈悲之比較.....	19

一、修習四無量心之動機

(一) 欲令心曠大清淨，成利益願

《大智度論》卷 30〈序品 1〉(大正 25, 284c8-10):
如行慈三昧，雖不能令眾生離苦，但自欲令心曠大清淨，成利益願故。

《大智度論》卷 34〈序品 1〉(大正 25, 309a15-16):
復次，常修慈心，遍念眾生，心清淨故。

(二) 眾生無所得，而自得無量福

《大智度論》卷 32〈序品 1〉(大正 25, 300c4-6):
譬如有人遣使供養彼人，彼人雖不得，而此人已獲施福。如慈三昧，於眾生雖無所施，而行者功德無量。

《大智度論》卷 84〈三惠品 70〉(大正 25, 648b9-13):
是故經中說：「意業最大，非身、口業。」如人大行布施不及行慈三昧；行慈三昧，眾生無所得，而自得無量福。邪見斷善根人，不惱眾生而入阿鼻地獄。是故供養化佛、真佛，以心等故，其福不異。

《大智度論》卷 36〈習相應品 3〉(大正 25, 328a12-13):
如行慈人，雖無眾生而想眾生得樂，自得無量福故。

二、四無量心之內容

(一) 四無量心的定義

《大智度論》卷 20〈1 序品〉(大正 25, 208c9-13):
四無量心者，慈、悲、喜、捨。

「慈」名愛念眾生，常求安隱樂事以饒益之。

「悲」名愍念眾生受五道中種種身苦、心苦。

「喜」名欲令眾生從樂得歡喜。

「捨」名捨三種心，但念眾生不憎不愛。

(二) 四無量心所對治的煩惱

《大智度論》卷 20〈1 序品〉(大正 25, 208c13-15):

修「慈心」，為除眾生中瞋覺故。¹

修「悲心」，為除眾生中惱覺故。²

修「喜心」，為除不悅樂故。

修「捨心」，為除眾生中愛憎故。³

¹ 《大智度論》卷 14〈序品 1〉(大正 25, 167b13-18):

復次，當觀瞋恚，其咎最深。三毒之中，無重此者；九十八使中，此為最堅；諸心病中，第一難治。瞋恚之人，不知善，不知非善；不觀罪福，不知利害；不自憶念，當墮惡道！善言忘失，不惜名稱；不知他惱，亦不自計身心疲惱；瞋覆慧眼，專行惱他。

² 《中阿含 102 念經》卷 25〈因品 4〉(大正 1, 589a13-16):

世尊告諸比丘：「我本未覺無上正盡覺時，作如是念：『我寧可別諸念作二分，欲念、恚念、害念作一分，無欲念、無恚念、無害念復作一分。』……」

(三) 四無量心的體性

《大智度論》卷 20〈1 序品〉(大正 25, 208c25-209a2)：

若念十方眾生令得樂時，心數法中生法，名為「慈」；是慈相應受、想、行、識眾，是法起身業、口業及心不相應諸行，是法和合，皆名為慈。

名為慈故，是法生，以慈為主，是故「慈」得名。譬如一切心心數法雖皆是後世業因緣，而但「思」得名，於作業中，思最有力故。⁴

悲、喜、捨亦如是。……

(四) 修慈是修定福的方法之一

《大智度論》卷 33〈序品 1〉(大正 25, 305a28-b15)：

「修定福處」者，雖經中說修慈是修定福，亦說有漏禪定能生果報者，總名修定福。以欲界多瞋多亂故，先說慈心為修定福。

◎得慈方便，願與眾生樂⁵，後實見受樂，是心相應法，名為慈法。

◎慈應言「親愛」，無怨無諍故，名為「親愛」。

能緣無量眾生故，名為「無量」。

能利益眾生，能離欲故，名為「梵行」。

慈心餘論議，如四無量中說。

(五) 別述慈、悲、喜、捨

1、慈心

《大智度論》卷 20〈1 序品〉(大正 25, 209a8-13)：

問曰：是四無量心云何行？

答曰：如佛處處經中說：「有比丘以慈相應心，無恚無恨，無怨無惱，廣大無量，善修慈心得解遍滿東方世界眾生、慈心得解遍滿南西北方四維上下——十方世界眾生。以悲、喜、捨相應心，亦如是。」

《雜阿含 743 經》	《大智度論》卷 20〈序品 1〉(大正 25, 209a13-b28)
心與慈俱	「慈相應心」者，慈名心數法，能除心中憤濁——所謂瞋恨、慳貪等煩惱；譬如淨水珠著濁水中，水即清。
無怨、無嫉、亦無瞋恚	(1)「無恚恨」者，於眾生中，若有因緣，若無因緣而瞋，若欲惡口罵詈、殺害、劫奪，是名「瞋」；待時節、得處所、有勢力當加害，是名「恨」。以慈除此二事故，名「無瞋恨」。「無怨無惱」，恨即是怨——初嫌為恨，恨久成怨；身口業加害，是名惱。 (2)復次，初生瞋結名為瞋；瞋增長籌量，持著心中未決了，是名恨，亦名怨；若心已定，無所畏忌，是名惱。

³ 參見《大毘婆沙論》卷 83〈4 結蘊第二中十門納息〉(大正 27, 427b10-11)：

如契經說：「修慈斷瞋，修悲斷害，修喜斷不樂，修捨斷貪瞋。」

⁴ (1)《增支部》III, p.415 說：「諸比丘！我說業即是思，思已便因身、語、意而造業。」

(2)《中阿含 111 達梵行經》卷 27 (大正 1, 600a24)：「有二業：思、已思業，是謂知業。」

⁵ 慧影《大智度論疏》卷 14：「得慈方便願與眾生樂已下，此明得解觀，云慈三昧中，初但觀一切眾生得樂相，未能實與；後時智慧力大，始能漸漸與之。」(已新續藏 46, 835a19-21)

	<p>※以慈心力除捨離此三事，是名「無瞋無恨」、「無怨無惱」。</p> <p>此無瞋無恨、無怨無惱，佛以是讚歎慈心。一切眾生皆畏於苦，貪著於樂；瞋為苦因緣，慈是樂因緣。眾生聞是慈三昧能除苦、能與樂故，一心懃精進行是三昧。以是故，無瞋無恨、無怨無惱。</p>
廣大無量 ⁶	<p>「廣、大、無量」者，一大心分別有三名：</p> <p>(1)「廣」名一方，「大」名高遠，「無量」名下方及九方。</p> <p>(2)復次，下名「廣」，中名「大」，上名「無量」。</p> <p>(3)復次，緣四方眾生心是名「廣」，緣四維眾生心是名「大」，緣上下方眾生心是名「無量」。</p> <p>(4)復次，破瞋恨心是名「廣」，破怨心是名「大」，破惱心是名「無量」。復次，一切煩惱心，小人所行、生小事故名為「小」；復小於此，故名瞋恨、怨、惱。破是小中之小，是名「廣大無量」。所以者何？大因緣常能破小事故。</p> <p>(5)「廣心」者，畏罪畏墮地獄故，除心中惡法；「大心」者，信樂福德果報故，除惡心；「無量心」者，為欲得涅槃故，除惡心。</p> <p>(6)復次，行者持戒清淨故，是心「廣」；禪定具足故，是心「大」；智慧成就故，是心「無量」。</p> <p>(7)以是慈心，念得道聖人，是名「無量心」，用無量法分別聖人故；念諸天及人尊貴處，故名為「大心」；念諸餘下賤眾生及三惡道，是名「廣心」。</p> <p>(8)於所愛眾生中，以慈念廣於念已故，名為「廣心」；以慈念中人，是名「大心」；以慈念怨憎，其功德多故，名「無量心」。</p> <p>(9)復次，為狹緣心，故名為「廣」；為小緣心，故名為「大」；為有量心，故名為「無量」。⁷</p> <p>如是等分別義。</p>
善修	<p>「善修」者，是慈心牢固。初得慈心，不名為修。非但愛念眾生中、非但好眾生中、非但益己眾生中、非但一方眾生中名為「善修」；久行</p>

⁶ S.46.54 (莊春江譯)：「以與慈俱行之心遍滿一方後而住，像這樣第二方，像這樣第三方，像這樣第四方，像這樣上下、橫向、到處，對一切如對自己，以與慈俱行之心，以廣大、出眾、無量、無怨恨、無惡意之心遍滿全部世間後而住。」

◎Vipula，【形】廣泛的，很棒的，大的。

◎Mahaggata，【形】變大的，高的。

◎Appamāṇa，【形】無量的，無限的。

◎Avera，【形】友善的 (friendly)。【中】仁慈 (kindness)。

◎Avyāpajjha (abyābajjha)，【形】無壓迫的 (free from oppression or injury)，無傷害的 (not hurting)。

⁷ 《大智度論》卷 20〈序品 1〉(大正 25, 210c25-211a1)：

「無量」有二種：一者、實無量，諸聖人所不能量；譬如虛空、涅槃、眾生性，是不可量。二者、有法可量，但力劣者不能量；譬如須彌山、大海水，斤兩、滯[滴]數多少，諸佛菩薩能知，諸天世人所不能知。佛度眾生亦如是，諸佛能知，但非汝等所及，故言「無量」。

	得深愛樂，愛、憎及中三種眾生，正等無異。
充滿	十方五道眾生中，以一慈心視之，如父如母，如兄弟、姊妹、子姪、知識，常求好事，欲令得利益安隱——如是心遍滿十方眾生中。……

2、悲心

《大智度論》卷 20〈1 序品〉（大正 25，209c14-17）：

悲心義亦如是：以憐愍心，遍觀十方眾生苦，作是念：「眾生可愍，莫令受是種種苦。」無瞋、無恨、無怨、無惱心，乃至十方，亦如是。

※ 釋疑：眾生苦樂異，慈悲無量不成疑

《大智度論》卷 20〈序品 1〉（大正 25，209c17-28）：

問曰：有三種眾生：有受樂，如諸天及人少分；有受苦，如三惡道及人中少分；有受不苦不樂，五道中少分。⁸云何行慈者觀一切眾生皆受樂？行悲者觀一切眾生皆受苦？

答曰：行者欲學是慈無量心時，先作願：「願諸眾生受種種樂。」取受樂人相，攝心入禪，是相漸漸增廣，即見眾生皆受樂。

譬如鑽火，先以軟草、乾牛屎，火勢轉大，能燒大濕木。慈三昧亦如是，初生慈願時，唯及諸親族、知識；慈心轉廣，怨親同等，皆見得樂，是慈禪定增長成就故。

悲、喜、捨心亦如是。

3、喜心

(1) 喜樂的差別（十說）

《大智度論》卷 20〈1 序品〉（大正 25，210a9-23）：

問曰：悲心、捨心，可知有別；慈心令眾生樂，喜心令眾生喜——樂與喜有何等異？

答曰：1.身樂名樂，心樂名喜。

2.五識相應樂名樂，意識相應樂名喜。


3.五塵⁹中生樂名樂，法塵中生樂名喜。

4.先求樂，願令眾生得，從樂因令眾生得喜。

5.如人憐愍貧人，先施寶物，是名樂；後教令賣買，得受五欲樂，是名喜。

6.復次，欲界樂願令眾生得，是名樂；色界樂願令眾生得，是名喜。

7.復次，欲界中五識相應樂、初禪中三識相應樂、三禪中一切樂¹⁰，是名樂；



（印順法師，《大智度論筆記》〔A018〕 p.34）

⁹ 五塵：色、聲、香、味、觸。

欲界及初禪意識相應樂、二禪中一切樂，是名喜。

8. 麁樂名樂，細樂名喜。

9. 因時名樂，果時名喜。

10. 初得樂時是名樂；歡心內發，樂相外現，歌舞踊躍，是名喜。譬如初服藥時，是名樂；藥發遍身時，是名喜。

(2) 喜樂別說之理

《大智度論》卷 20〈1 序品〉（大正 25，210a23-27）：

問曰：若爾者，何以不和合二心作一無量，而分別為二法？

答曰：行者初心未攝，未能深愛眾生故，但與樂；攝心深愛眾生，故與喜。以是故，先樂而後喜。

4、捨心

(1) 捨心取何等相

《大智度論》卷 20〈1 序品〉（大正 25，209c28-210a2）：

問曰：悲心中取受苦人相，喜心中取受喜人相，捨心中取何等相？

答曰：取受不苦不樂人相，行者以是心漸漸增廣，盡見一切受不苦不樂。

(2) 行捨心何用：不苦不樂安隱故，離貪憂故

《大智度論》卷 20〈1 序品〉（大正 25，210a2-9）：

問曰：是三種心中應有福德，是捨心於眾生不苦不樂有何等饒益？

答曰：行者作是念：「一切眾生離樂時得苦，苦時即是苦，得不苦不樂則安隱。」以是饒益。行者行慈、喜心，或時貪著心生；行悲心，或時憂愁心生——以是貪憂故心亂。入是捨心，除此貪憂，貪憂除故名為「捨心」。

(六) 慈悲喜捨四事之次第

1、「不以慈喜為次第」疑

《大智度論》卷 20〈1 序品〉（大正 25，210a27-b4）：

問曰：若爾者，何以不慈、喜次第？

答曰：行慈心時，愛眾生如兒子，願與樂。出慈三昧故，見眾生受種種苦，發深愛心憐愍眾生，令得深樂。譬如父母雖常愛子，若得病急，是時愛心轉重；菩薩亦如是，入悲心觀眾生苦，憐愍心生，便與深樂，以是故悲心在中。

2、「於慈悲喜後而行捨心」疑

《大智度論》卷 20〈1 序品〉（大正 25，210b4-14）：

問曰：若如是深愛眾生，復何以行捨心？

答曰：

(1) 捨前三心，不廢餘法

行者如是觀，常不捨眾生，但念捨是三種心。何以故？妨廢餘法故。

¹⁰ (1) 初禪中三識相應樂：眼識、耳識、身識。

(2) 關於欲界及前三禪之樂之性質，參見《俱舍論》卷 28〈8 分別定品〉（大正 29，147a）。

(2) 此但憶想，未有實事

亦以是慈心欲令眾生樂，而不能令得樂；悲心欲令眾生離苦，亦不能令得離苦；行喜心時，亦不能令眾生得大喜。此但憶想，未有實事；欲令眾生得實事，當發心作佛，行六波羅蜜，具足佛法，令眾生得是實樂。以是故，捨是三心，入是捨心。

(3) 捨心捨眾生為易

復次，如慈、悲、喜心愛深故捨眾生難，入是捨心故易得出離。……

(七) 慈悲喜捨四者之間的關係及差異

《大智度論》卷 20〈1 序品〉（大正 25，211b12-26）：

1、四無量中慈最勝

復次，慈是真無量，慈為如王，餘三隨從如人民。所以者何？先以慈心欲令眾生得樂；見有不得樂者，故生悲心；欲令眾生離苦、心得法樂，故生喜心；於三事中，無憎無愛，無貪無憂，故生捨心。

2、餘處亦有讚悲等功德

復次，慈以樂與眾生故，《增一阿含》中說有五功德。¹¹

悲心於摩訶衍經處處說其功德，如《明網菩薩經》¹²中說：「菩薩處眾生中，行三十二種悲，漸漸增廣，轉成大悲。」¹³大悲是一切諸佛、菩薩功德之根本，是般若波羅蜜之母，諸佛之祖母。菩薩以大悲心故，得般若波羅蜜，得般若波羅蜜故得作佛。如是等種種讚大悲。

喜、捨心，餘處亦有讚。

3、慈以功德難有，悲以能成大事

慈、悲二事遍大故，佛讚其功德；慈以功德難有故，悲以能成大事故。

(八) 慈悲遍大的意義

1、佛功德法應皆大

《大智度論》卷 27〈1 序品〉（大正 25，256c13-257a14）：

問曰：法在佛心中一切皆大，何以故但說慈悲為大？

答曰：佛所有功德法應皆大故。

2、慈悲為大的理由

問曰：若爾者，何以但說慈悲為大？

答曰：

¹¹ 《大毘婆沙論》卷 83〈4 十門納息〉（大正 27，427a8-9）引契經：

如契經說：住慈定者，刀、毒、水、火皆不能害，必無災橫而致命終。

¹² 《大智度論》引用本經時共提及二種名稱，但卻未加區別，如於卷 20（大正 25，211b19），卷 22（227b4），卷 28（267a16）稱《明網菩薩經》（Jālinīprabhadhisattvasūtra）或《明網經》；另外，於卷 27（大正 25，257b2），卷 29（275a18），卷 32（297c9），卷 66（524a24），卷 77（604a23），卷 81（631a18）則稱為《持心經》（Viśeṣacintisūtra）。

¹³ 參見《持心梵天所問經》卷 1〈1 明網菩薩光品〉（大正 15，9b22-10a16）等。如來之大悲，在《大智度論》卷 27（大正 25，256b-257c）有詳細討論。

(1) 慈悲為佛道根本，若無大慈大悲，便早入涅槃

慈悲是佛道之根本。所以者何？

菩薩見眾生老病死苦、身苦心苦、今世後世苦等諸苦所惱，生大慈悲，救如是苦，然後發心求阿耨多羅三藐三菩提；亦以大慈悲力故，於無量阿僧祇世生死中，心不厭沒；以大慈悲力故，久應得涅槃而不取證。以是故，一切諸佛法中，慈悲為大；若無大慈大悲，便早入涅槃。

(2) 自不受樂，忍諸怨害，為眾說法

復次，得佛道時，成就無量甚深禪定、解脫、諸三昧，生清淨樂，棄捨不受；入聚落城邑中，種種譬喻、因緣說法；變化其身，無量音聲，將迎¹⁴一切，忍諸眾生罵詈誹謗，乃至自作伎¹⁵樂，皆是大慈、大悲力。

(3) 「大」之名乃餘人所讚，非佛自稱

復次，大慈、大悲——「大」名非佛所作，眾生名之；譬如師子大力，不自言力大，皆是眾獸名之。眾生聞佛種種妙法，知佛為祐利眾生故，於無量阿僧祇劫難行能行；眾生聞見是事，而名此法為「大慈、大悲」。

譬如一人，有二親友，以罪事因緣故，繫之囹圄¹⁶。一人供給所須，一人代死。眾人言：「能代死者，是為大慈悲。」佛亦如是，世世為一切眾生，頭目髓腦盡以布施；眾生聞見是事，即共名之為「大慈、大悲」。

如尸毘¹⁷王，為救鵠故，盡以身肉代之，猶不與鵠等；復以手攀稱¹⁸，欲以身代之。是時地為六種震動，海水波蕩¹⁹，諸天香華供養於王。眾生稱言：「為一小鳥所感乃爾，真是大慈、大悲！」²⁰佛因眾生所名，故言「大慈、大悲」。如是等無量本生，是中悉應廣說。……

三、慈心（四無量心）之功德

(一) 慈心有五功德

1、引經證

《大智度論》卷 20〈1 序品〉（大正 25，211a25-b10）：

佛說入是慈三昧，現在得五功德：入火不燒，中毒不死，兵刃不傷，終不橫死，善神擁護。²¹以利益無量眾生故，得是無量福德。

¹⁴ 將迎：2.迎接。3.逢迎，迎合。（《漢語大詞典》（七），p.808）

¹⁵ 伎＝妓【元】【明】。（大正 25，256d，n.20）

¹⁶ 囹圄（ㄌㄩㄥˊ ㄩㄥˋ）：監獄。（《漢語大詞典》（三），p.628）

¹⁷ 毘＝鞞【宋】【元】【明】【宮】【石】。（大正 25，257d，n.5）

¹⁸ 稱＝秤【宋】【元】【明】【宮】。（大正 25，257d，n.9）

¹⁹ 蕩＝盪【宋】【元】【明】【宮】【石】。（大正 25，257d，n.11）

²⁰ 參見《大智度論》卷 4〈1 序品〉（大正 25，87c29-88c12）已詳載此一本生；《菩薩本行經》卷上（大正 3，109a24-b29）；《六度集經》卷 1〈2 經〉（大正 3，1b12-c25）等。

²¹ （1）參見《大毘婆沙論》卷 83〈4 十門納息〉（大正 27，427a8-9）引契經說是五種利益，然根據 Aṅguttara, IV, p.150，則是八種利益；但也有十一種利益之說法，見 Aṅguttara, V, p.342；

2、報生色界

以是有漏無量心緣眾生故，生清淨處，所謂色界。

※ 釋「慈報生梵天上」

問曰：何以故佛說「慈報生梵天上」？²²

(1) 隨俗說行慈生梵天

答曰：以梵天眾生所尊貴，皆聞皆識故。佛在天竺國，天竺國常多婆羅門；婆羅門法，所有福德盡願生梵天。若眾生聞行慈生梵天，皆多信向行慈法，以是故說「行慈生梵天」。

(2) 無欲名梵天

復次，斷婬欲天皆名為「梵」，說「梵」皆攝色界。以是故，斷婬欲法名為「梵行」，離欲亦名「梵」。若說「梵」，則攝四禪、四無色定。

(3) 覺觀難滅故，但言生初禪（梵）

復次，覺觀難滅故，不說上地名。譬如五戒中口律儀，但說一種不妄語，則攝三事。

23

(二) 修定福處但說慈的理由

《大智度論》卷 33〈序品 1〉（大正 25，305b15-23）：

問曰：修定福中，佛何以但說慈心，不說餘？

答曰：

1、慈於四無量中福大

四無量中，慈心能生大福德。

悲心憂愁故，捨福德；喜心自念功德故，福德不深；捨心放捨，故福亦少。

2、慈心有五利

復次，佛說慈心有五利，不說餘。何等五？

一者、刀不傷，二者、毒不害，三者、火不燒，四者、水不沒，五者、於一切瞋怒惡害眾生中，見皆歡喜。

悲心等三事不爾，以是故說「修定福為慈」；餘者隨從，及諸能生果報有漏定。

(三) 四無量心的果報極處

《大智度論》卷 20〈1 序品〉（大正 25，211b26-c18）：

Vinaya, V, p.140; Paṭisambhidā, II, p.130; Milinda, p.198；《清淨道論》，p.253。

(2) 《增壹阿含 10 經》卷 47（大正 2，806a18-b3）：

世尊告諸比丘：若有眾生修行慈心解脫，廣布其義，與人演說，當獲此十一果報。云何為十一？(1) 臥安，(2) 覺安，(3) 不見惡夢，(4) 天護，(5) 人愛，(6) 不毒，(7-9) 不兵、水、火，(10) 盜賊終不侵枉，(11) 若身壞命終生梵天上。是謂比丘能行慈心獲此十一之福。

²² 參見 Aṅguttara, III, p.225; Dīgha, I, p.251; Majjhima, II, p.195, pp.207-208,《中阿含 27 梵志陀然經》卷 6（7 相應品）（大正 1，458a27-b9）該等經文稱四無量是轉生梵天之道。

²³ 三事：不兩舌、不惡口、不綺語。

問曰：佛說：「四無量功德，慈心好修、善修，福極遍淨天；悲心好修、善修，福極虛空處；喜心好修、善修，福極識處；捨心好修、善修，福極無所有處。」²⁴
云何言「慈果報應生梵天上」？

答曰：

1、佛法不可思議，隨度眾生故說

諸佛法不可思議，隨眾生應度者如是說。

2、從慈悲喜捨起，易入第三禪、虛空處、識處、無所有處

復次，從慈定起，迴向第三禪易；從悲定起，向虛空處；從喜定起，入識處；從捨定起，入無所有處易故。

3、隨四無量利益眾生，自應受福

(1) 慈心令眾生樂，第三禪最樂，故福極遍淨天

復次，慈心願令眾生得樂，此果報自應受樂，三界中遍淨最為樂故，言福極遍淨。²⁵

(2) 悲心令離苦，唯無身乃得無苦，虛空能破色，故福極虛空處

悲心觀眾生老、病、殘害苦，行者憐愍心生，云何令得離苦？若為除內苦，外苦復來；若為除外苦，內苦復來。行者思惟：「有身必有苦，唯有無身，乃得無苦。」虛空能破色，是故福極虛空處。

(3) 喜心與眾生心識樂，識處無量自在無邊，故福極在識處

喜心欲與眾生心識樂，心識樂者，心得離身，如鳥出籠；虛空處心，雖得出身，猶繫心虛空；識處無量，於一切法中皆有心識，識得自在無邊，以是故喜福極在識處。

(4) 捨心捨眾生中苦樂，無所有處得真捨法，故福極無所有處

捨心者，捨眾生中苦樂，苦樂捨故，得真捨法，所謂無所有處；以是故，捨心福極無所有處。

4、但聖非凡

如是四無量，但聖人所得，非凡夫。²⁶

(四) 修慈心是種三十二相的因緣之一

《大智度論》卷 29〈序品 1〉(大正 25, 273c19-20)：

修慈三昧，信淨心多及以好色飲食、衣服、臥具布施故，得金色相、大²⁷光相。

²⁴ (1) 參見《雜阿含經》卷 27 (743 經) (大正 2, 197c11-13)：

心與慈俱多修習，於淨最勝；悲心修習、多修習，空入處最勝；喜心修習、多修習，識入處最勝；捨心修習、多修習，無所有入處最勝。

(2) 參見 Samyutta, V, pp.119-121 之《黃枕經》(Haliddavasanasutta)。

²⁵ (1) 《大智度論》卷 17〈序品 1〉(大正 25, 186b10-16)：

「離此喜故，行捨、念、智，受身樂。是樂聖人能得能捨，一心在樂，入第三禪。」

「捨」者，捨喜心，不復悔。「念、智」者，既得三禪中樂，不令於樂生患。「受身樂」者，是三禪樂，遍身皆受。「聖人能得能捨」者，此樂世間第一，能生心著，凡夫少能捨者。以是故，佛說行慈果報，遍淨地中第一。

(2) 參見《俱舍論》卷 23〈6 分別賢聖品〉(大正 29, 120b5-6, 120c25-26)。

²⁶ 參見《瑜伽師地論》卷 12〈6 本地分中三摩呬多地〉(大正 30, 338b-c)。

《大智度論》卷 29〈序品 1〉(大正 25, 273c27-28):
常修行慈、好思惟故,得白牙無喻²⁸相。²⁹

四、四無量心之法門分別

(一) 聲聞對四無量心之法門分別

《大智度論》卷 20〈1 序品〉(大正 25, 209a2-5):
是慈在色界。或有漏,或無漏。³⁰或可斷,或不可斷。亦在根本禪中,亦禪中間。三根相應,除苦根、憂根。³¹如是等,《阿毘曇》分別說。

《大智度論》卷 33〈序品 1〉(大正 25, 305b3-12):
是法或色界繫³²、或不繫,是為真慈;是方便慈,欲界繫。
常隨心行³³,隨心生;無形無對;³⁴能緣法;非業,業相應³⁵,而隨業行,共業生,非先業果報;得修,行修;身證,慧證;或思惟斷³⁶,或不斷;離色界欲時得斷知³⁷;有覺有觀³⁸,亦無覺有觀,亦無覺無觀;或有喜³⁹,或無喜;或有息,或無息;亦凡夫人,亦聖人⁴⁰;或樂受相應⁴¹,或不苦不樂受相應。先緣得解相,後緣實義。根本四禪中⁴²,

²⁷ 大=丈【宋】【元】【明】【宮】【石】。(大正 25, 273d, n.21)

²⁸ 喻=踰【宋】【元】【明】【宮】【石】。(大正 25, 273d, n.24)

踰或逾:2.超過;勝過。(《漢語大詞典》(十), p.1041)

²⁹ 《大智度論》卷 4〈序品 1〉:「二十四者、牙白相:乃至勝雪山王光。」(大正 25, 90c24-25)

³⁰ 《大毘婆沙論》卷 83〈4 十門納息〉(大正 27, 427b14-21):

問:無量為能斷煩惱不?……

答:應作是說:『無量不能斷諸煩惱。』

問:若爾,善通定蘊所說。此經所說當云何通?

答:斷有二種:一、暫時斷,二、畢竟斷。依暫時斷,此經說能斷;依畢竟斷,定蘊說不斷;如是經論二說善通。

³¹ 在經典所說之二十二根中,有所謂之五受根(苦、樂、喜、憂、捨)。而慈是與樂根、喜根及捨根相應,相反的,慈並沒有苦根及憂根。《俱舍論》卷 3〈2 分別根品〉(大正 29, 14c)。

³² 《大智度論疏》卷 14:「是法或色界繫已下,明此慈唯從禪生也。或不繫者,無漏慈也。是為真慈者,此二種慈從禪生,欲明異欲界方便慈,故云名為真也。明方便慈非正禪中生,故但欲界繫也。」(卍新續藏 46, 835a24-b3)

³³ 《大智度論疏》卷 15:「常隨心行已下,明慈屬善數中不害數,故云隨心行也。餘當說。」(卍新續藏 46, 835b4-5)

³⁴ 《大智度論疏》卷 14:「此慈非如五識取五塵,故云無對也。」(卍新續藏 46, 835b5)

³⁵ 《大智度論疏》卷 14:「思正造作是業數,此慈乃屬不害數,故云非業也;但與思相應也。餘當說。」(卍新續藏 46, 835b5-7)

³⁶ 《大智度論疏》卷 14:「或思惟斷已下,明此慈是繫法,凡夫修之,增梵天道,故思惟斷也。」(卍新續藏 46, 835b8-9)

³⁷ 《大智度論疏》卷 14:「離色界時得斷知已下,前殺戒唯在欲界,故說言離欲時得斷知;今明此是色界法,從禪中生,若聖人修之,亦至遍淨,故云離色界時得斷此繫也。」(卍新續藏 46, 835b10-12)

³⁸ 《大智度論疏》卷 14:「有覺有觀者,據初禪中慈三昧也。次據中間,次據二禪已上。」(卍新續藏 46, 835b12-13)

³⁹ 《大智度論疏》卷 14:「或有喜已下,初二禪也。或有息者,三禪已來也。無息者,第四禪也。」(卍新續藏 46, 835b13-15)

⁴⁰ 《大智度論疏》卷 14:「此慈三昧凡聖共得也。」(卍新續藏 46, 835b15)

亦過四禪；依止四禪得者，牢固有力。

(二) 慈悲（四無量）是有漏或無漏

1、大慈大悲是無漏法

《大智度論》卷27〈1序品〉（大正25，257b4-10）：

復次，佛大慈大悲等功德，不應一切如迦旃延法中分別求其相。上諸論議師，雖用迦旃延法分別顯示，不應盡信受。所以者何？

迦旃延說：「大慈大悲，一切智慧，是有漏法、繫法、世間法。」⁴³

是事不爾。何以故？「大慈、大悲」名為一切佛法之根本，云何言「是有漏法、繫法、世間法」？

2、釋難

(1) 外人難「大慈悲雖是佛法根本，如淤泥中生蓮花，應是有漏」

《大智度論》卷27〈1序品〉（大正25，257b10-19）：

問曰：大慈悲雖是佛法根本，故是有漏。如淤泥中生蓮華，不得言泥亦應妙；大慈大悲亦如是，雖是佛法根本，不應是無漏！

答曰：

A、菩薩未得佛，言其慈悲有漏，其失猶可

菩薩未得佛時，大慈悲若言有漏，其失猶可。

B、佛得無礙解脫智，盡除一切煩惱習故，大慈大悲應是無漏

今佛得無礙解脫智故，一切諸法皆清淨，一切煩惱及習盡。

聲聞、辟支佛，不得無礙解脫智故，煩惱習不盡，處處中疑不斷故，心應有漏⁴⁴；諸佛無是事，何以故說佛大慈悲應是有漏？

⁴¹ 《大智度論疏》卷14：「或樂相應者，三禪已來也。或不苦不樂相應者，第四禪也。」（卍新續藏46，835b15-16）

⁴² 《大智度論疏》卷14：「根本四禪中者，論其生處也。亦過四禪者，明那含亦能乘此慈生三重處也。」（卍新續藏46，835b16-18）

⁴³ 參見《順正理論》卷38〈4辯業品〉（大正29，557a17-19）：

又饒益他，方得名佛；饒益他者多是俗智。又諸佛用，大悲為體，此是有漏法，有情相轉故。

⁴⁴ (1)《十住毘婆沙論》卷11〈四十不共法中善知不定品23〉（大正26，83a24-b3）：

無礙解脫者，解脫有三種：

一者、於煩惱障礙解脫。二者、於定障礙解脫。三者、於一切法障礙解脫。

是中得慧解脫阿羅漢，得離煩惱障礙解脫。共（俱）解脫阿羅漢及辟支佛，得離煩惱障礙解脫、得離諸禪定障礙解脫。唯有諸佛具三解脫，所謂煩惱障礙解脫、諸禪定障礙解脫、一切法障礙解脫，總是三種解脫故，佛名無礙解脫。

(2) 至於二乘人有「疑」，聯想到《妙法蓮華經》卷1〈序品1〉（大正9，5b22-23）：「諸求三乘人，若有疑悔者，佛當為除斷，令盡無有餘。」請詳參見印順導師《法華經講義》（一），pp.80-82的解說。

(3) 編案：從目捷連想要測佛音聲等事來看，或許二乘對於佛的身密、語密、意密等不可思議、甚深實相而有種種疑惑吧。若對阿羅漢羅說，煩惱已斷盡，或許已經證得無漏；二乘不過習氣未斷，未能深入體悟佛的不可思議境界，對圓滿大乘來說還是不圓滿，或許從此角度來說，這樣的「疑惑不明」也算是有漏吧。（又或與「大天五事」有關）

(2) 外人難「佛之慈悲心為眾生故生，應是有漏」

《大智度論》卷27〈1序品〉(大正25, 257b19-c16)：

問曰：我不敢不敬佛，以慈悲心為眾生故生，應是有漏。

答曰：

A、佛求眾生相不可得，不取眾生相而能生慈悲⁴⁵

諸佛力勢不可思議，諸聲聞、辟支佛不能離眾生想而生慈悲，諸佛能離眾生想而生慈悲。所以者何？

如諸阿羅漢、辟支佛，十方眾生相不可得，而取眾生相生慈悲；

今諸佛十方求眾生不可得，亦不取眾生相而能生慈悲。如《無盡意經》中說，有三種慈悲：眾生緣、法緣、無緣。

B、若佛於眾生中取相而行慈悲心，不名行不誑法

復次，一切眾生中，唯佛盡行不誑法；若佛於眾生中取相而行慈悲心，不名行不誑法。何以故？眾生畢竟不可得故。

聲聞、辟支佛，不名為盡行不誑法；故聲聞、辟支佛，於眾生、於法，若取相、若不取相，不應難，不悉行不誑法故。

※ 因論生論：釋「無漏智不能悉緣一切法故，一切智應是有漏」疑

一切智能斷一切諸漏，能從一切有漏法中出，能作無漏因緣，是法云何自是有漏？

問曰：無漏智各各有所緣，無有能悉緣一切法者，唯有世俗智能緣一切法。以是故說一切智是有漏相。

答曰：

(A) 有漏智假名虛誑，不應真實緣一切法

汝法中有是說，非佛法中所說。如人自持斗入市，不與官斗相應，無人用者；汝亦如是，自用汝法，不與佛法相應，無人用者。無漏智慧，何以故不能緣一切法？有漏智是假名虛誑，勢力少故，不應真實緣一切法。汝法中自說能緣一切法！

(B) 十智入摩訶衍之如實智，皆成無漏智

復次，是聲聞法中十智，摩訶衍法中有十一智⁴⁶，名為「如實相智」。是十智入是如實智中，都為一智，所謂無漏智；如十方水入大海水中，都為一味。

3、盡理之說

(1) 四無量非但緣欲界，通無色界

《大智度論》卷20〈1序品〉(大正25, 211c18-26)：

復次，佛知未來世諸弟子鈍根故，分別著諸法，錯說四無量相：「是四無量心，眾生緣故，但是有漏；但緣欲界故，無色界中無。何以故？無色界不緣欲界故。」為斷

⁴⁵ 凡(凡夫)：執眾生相，取眾生相生。

生慈悲—小乘：求眾生相不得，取眾生相生。

—佛：求眾生相不得，不取眾生相生。(印順法師，《大智度論筆記》〔F013〕p.342)

⁴⁶ 《摩訶般若波羅蜜經》卷1〈序品1〉(大正8, 219a13-15)：

十一智——法智、比智、他心智、世智、苦智、集智、滅智、道智、盡智、無生智、如實智。

如是人妄見故，說四無量心無色界中。佛以四無量心，普緣十方眾生故，亦應緣無色界中。

如《無盡意菩薩問》中說：「慈有三種：眾生緣、法緣、無緣。」⁴⁷

論者言：「眾生緣是有漏，無緣是無漏，法緣或有漏、或無漏。」

〔2〕修慈心時即修七覺意

《大智度論》卷 34〈序品 1〉（大正 25，313c18-26）：

問曰：此經言「聞諸佛名即時得道」，不言「聞名已修道乃得」。

答曰：今言「即時」，不言「一心中」；但言更無異事聞⁴⁸之，故言「即時」。譬如經中說：「修慈心時即修七覺意。」⁴⁹

難者言：「慈三昧，有漏，是緣眾生法，云何得即時修七覺？」

答者言：「從慈起已即修七覺，更無餘法，故言即時。即時有二種：一者、同時，二者、雖久，更無異法。即是心而得修七覺亦名即時。」

五、大乘的四無量心

〔一〕大乘的三種慈

1、總標

《大智度論》卷 20〈1 序品〉（大正 25，209a5-8）：

取眾生相故有漏；取相已，入諸法實相故無漏。

以是故，《無盡意菩薩問》⁵⁰中說慈有三種：一者、眾生緣，二者、法緣，三者、無緣。

2、別述

〔1〕眾生緣慈

《大智度論》卷 20〈1 序品〉（大正 25，209a8-b29）：

⁴⁷ 參見《大寶積經》卷 41〈12 菩薩藏會〉（大正 11，236a19-21）；《佛說大乘菩薩藏正法經》卷 16（大正 11，820a16-18）；《大方等大集經》卷 29〈12 無盡意菩薩品〉（大正 13，200a12-18）。

⁴⁸ 聞=聞【元】【明】【聖乙】【石】。（大正 25，313d，n.19）

⁴⁹ 參見《雜阿含經》卷 27（744 經）（大正 2，197c16-21）。

⁵⁰ 《大智度論》中多處提及三種慈或三種悲，參見：

（1）卷 20〈1 序品〉（大正 25，211c24-25）：

如《無盡意菩薩問》中說慈有三種：眾生緣、法緣、無緣。

（2）卷 27〈1 序品〉（大正 25，257b25-26）：

如《無盡意經》中說有三種慈悲：眾生緣、法緣、無緣。

（3）卷 40〈4 往生品〉（大正 25，350b25-28）：

慈悲心有三種：眾生緣、法緣、無緣。凡夫人眾生緣；聲聞、辟支佛及菩薩，初眾生緣，後法緣；諸佛善修行畢竟空故名為無緣。

（4）卷 50〈20 發趣品〉（大正 25，417b21-26）：

一切眾生中具足慈悲智者：悲有三種：眾生緣、法緣、無緣。此中說無緣大悲名具足，所謂法性空乃至實相亦空，是名無緣大悲。菩薩深入實相，然後悲念眾生。譬如人有一子，得好寶物，則深心愛念，欲以與之。

（5）卷 53〈26 無生品〉（大正 25，442a2-4）：

大悲如《阿差末經》中說有三種悲：眾生緣、法緣、無緣。無緣悲從畢竟空生。

問曰：是四無量心云何行？

答曰：如佛處處經中說：「有比丘以慈相應心，無恚無恨，無怨無惱，廣大無量，善修慈心得解遍滿東方世界眾生、慈心得解遍滿南西北方四維上下——十方世界眾生。以悲、喜、捨相應心，亦如是。」⁵¹……

如是慈心，名「眾生緣」。多在凡夫人行處，或有學人未漏盡者行。⁵²

(2) 法緣慈

《大智度論》卷 20〈1 序品〉（大正 25，209b29-c6）：

法緣者，諸漏盡阿羅漢、辟支佛、諸佛。

是諸聖人破吾我相、滅一異相故，但觀從因緣相續生諸欲。以慈念眾生時，從和合因緣相續生，但空五眾即是眾生，念是五眾。

以慈念眾生不知是法空，而常一心欲得樂；聖人愍之，令隨意得樂，為世俗法故，名為「法緣」。

(3) 無緣慈

《大智度論》卷 20〈1 序品〉（大正 25，209c6-12）：

無緣者，是慈但諸佛有。何以故？

諸佛心不住有為、無為性中，不依止過去世、未來、現在世；知諸緣不實、顛倒虛誑故，心無所緣。佛以眾生不知是諸法實相，往來五道，心著諸法，分別取捨；以是諸法實相智慧，令眾生得之，是名「無緣」。……

(二) 無緣慈悲，亦名佛眼

《大智度論》卷 40〈往生品 4〉（大正 25，350b25-29）：

復次，慈悲心有三種：眾生緣、法緣、無緣。

凡夫人，眾生緣；聲聞、辟支佛及菩薩，初眾生緣，後法緣；諸佛善修行畢竟空，故名無緣，是故慈悲亦名佛眼。

(三) 證得實相的菩薩，亦有無緣大悲

《大智度論》卷 50〈發趣品 20〉（大正 25，417b21-26）：

〔七地菩薩滿足二十法之第五〕

「一切眾生中具足慈悲智」者，悲有三種：眾生緣、法緣、無緣。此中說無緣大悲名具足。所謂法性空，乃至實相亦空，是名無緣大悲。菩薩深入實相，然後悲念眾生；譬如人有一子，得好寶物，則深心愛念欲以與之。

(四) 菩薩的禪度，亦重視四無量心

1、與六度和合的四無量心，才名為發趣大乘

⁵¹ 《雜阿含 916 經》卷 32（大正 2，232a24-29），《中阿含 40 手長者經》卷 9（大正 1，483a4-9）。

⁵²

┌凡夫
├眾生緣└學人未漏盡
三慈 ─┬──┬聲聞、辟支漏盡
├法緣└世俗——佛
└無緣——佛

（印順法師，《大智度論筆記》〔A018〕 p.33）

(五) 般若與慈悲之關係

1、眾生不知而自苦，乃起大悲；大慈悲因緣故，得無量福德

《大智度論》卷38〈4往生品〉(大正25, 338c13-24)：

復次，行般若波羅蜜者，深入大悲；如慈父見子為無所直物故死，父甚愍之，此兒但為虛誑故死！諸佛亦如是，知諸法畢竟空不可得，而眾生不知；眾生不知故，於空法中深⁵⁴著，著因緣故，墮大地獄。

是故深入大悲；以大慈悲因緣故，得無量福德；得無量福德故，生值諸佛，從一佛國至一佛國。是菩薩從此間死，彼間生；彼間死，復至彼間生；如是乃至得佛，終不離佛。

2、慈從般若生，隨順般若教

《大智度論》卷37〈習相應品 3〉(大正25, 333a23-b3)：

問曰：先言「行般若波羅蜜故，具五功德⁵⁵」，今何以言「用普慈加眾生故」？

答曰：能生無量福，無過於慈；是慈因般若波羅蜜生，得無量利益。

復次，惡魔不得便、諸佛所念、重罪今世輕受，是般若波羅蜜力；世間眾事所欲隨意、諸天擁護，是大慈力。

復次，有二種緣：一者、眾生，二者、法。是菩薩若緣眾生則是慈心，若緣法則是行般若波羅蜜。

是慈從般若波羅蜜生，隨順般若波羅蜜教，是故說慈無咎。

3、般若慧方便觀空，不捨眾生

(1) 知諸法空、不捨眾生，二事平等

《大智度論》卷27〈1序品〉(大正25, 262c17-23)：

「方便」者，具足般若波羅蜜故，知諸法空；大悲心故，憐愍眾生——於是二法，以方便力不生染著。

雖知諸法空，方便力故，亦不捨眾生；雖不捨眾生，亦知諸法實空。

若於是二事等，即得入菩薩位；如聲聞人，於定慧二法等故，是時即得入正位。是法雖有行，更有餘名字，不名「修行」。

(2) 知諸法實相，以大悲心還行福行利益眾生

《大智度論》卷32〈1序品〉(大正25, 301a27-b1)：

菩薩摩訶薩知諸法實相無取無捨，無所破壞，行不可得般若波羅蜜，以大悲心還修福行；福行初門，先行布施。

⁵⁴ 深=染【宋】【元】【明】。(大正25, 338d, n.14)

⁵⁵ 《摩訶般若波羅蜜經》卷1〈習應品 3〉(大正8, 224b7-15)：

舍利弗！菩薩摩訶薩能如是行般若波羅蜜，(1)惡魔不能得其便，(2)世間眾事所欲隨意，(3)十方各如恒河沙等諸佛皆悉擁護是菩薩，令不墮聲聞、辟支佛地。(4)四天王天乃至阿迦尼吒天皆亦擁護是菩薩，不令有闕[礙]。(5)是菩薩所有重罪現世輕受。何以故？是菩薩摩訶薩用普慈加眾生故。舍利弗！菩薩摩訶薩如是行，是名與般若波羅蜜相應。

4、於一切眾生等心，即四無量義

《大智度論》卷 49〈發趣品 20〉(大正 25, 411c16-25)：

「於一切眾生等心」者，菩薩得是深心已，等心於一切眾生。眾生常情，愛其所親，惡其所憎；菩薩得深心故，怨親平等，視之無二。

此中佛自說：「等心者，四無量心是。」菩薩見眾生受樂，則生慈、喜心，作是願：「我當令一切眾生皆得佛樂！」若見眾生受苦，則生悲心愍之，作是願：「我當拔一切眾生苦！」若見不苦不樂眾生，則生捨心，作是願：「我當令眾生捨愛憎心！」四無量心餘義，如先說。

5、修習百八三昧與十八空，亦有與慈心相關的項目

《大智度論》卷 47〈摩訶衍品 18〉(大正 25, 399b25-28)：

〔百八三昧之一〕「觀方三昧」者，於十方眾生，以慈悲憐愍，平等心觀。

復次，方者，循道理名為得方；是三昧力故，於諸三昧得其道理，出入自在無礙。

《大智度論》卷 31〈序品 1〉(大正 25, 288b16-23)：

〔十八空之一〕若以方空破是東方，則滅有邊、無邊見；若不以方空破東方者，則隨東方心，隨心不已，慈心則滅，邪心則生。

譬如大海潮時，至其常限，水則旋還；魚若不還，則漂在露地，有諸苦患；若魚有智，則隨水還，永得安隱。行者如是，若隨心不還，則漂在邪見；若隨心還，不失慈心。如是破大邪見故，名為大空。

6、行空三昧而不作證涅槃，亦繫心於慈三昧

《大智度論》卷 76〈學空不證品 60〉(大正 25, 593c22-594b26)：

(1) 菩薩善學空而無所見，能不取證

三解脫門、三十七品是聲聞、辟支佛涅槃道，佛勅⁵⁶菩薩應行是道。

須菩提作是念：「此是涅槃道，云何菩薩行是道法而不取涅槃證？」

佛答：「菩薩觀色等一切法空。是菩薩以深入禪定，心不可亂，得利智慧力故，不見是空法；以不見故無所證。」……

(2) 具足觀空，自知學時，非是證時

佛雖答，須菩提未達佛意，更問：「如佛所說，菩薩不應空法作證；今入空中，云何不作證？」

佛答：以深入故能不作證。「具足」者即是深入。譬如執管⁵⁷草，捉緩則傷手，若急捉⁵⁸則無傷；菩薩亦如是，深入空故，知空亦空，涅槃亦空，故無所證。

復次，菩薩未入空時，作是思惟：「我應遍觀諸法空，不應不具足知而取證。」是故

⁵⁶ (1) 勅=勸【宋】【元】，明註曰「勅」，南藏作「勸」。(大正 25, 593d, n.17)

(2) 敕(彳、勅)：1.誠飭，告誡。(《漢語大詞典》(七)，p.457)

⁵⁷ 管(卩、弓)：1.植物名。多年生草本，葉子細長而尖，花綠色。莖可作繩織履，莖葉之細者可以覆蓋屋頂。(《漢語大詞典》(九)，p.452)

⁵⁸ 急捉=捉急【宋】【元】【明】【宮】。(大正 25, 594d, n.3)

不專心攝念⁵⁹入禪、繫在空緣中。所以者何？若專心繫在空緣中，則心柔軟，不能從空自出。

問曰：上言「深入禪定，不令心亂」，今云何言「不專心」？

答曰：今言「不專心」，是初入時，為不能自出故；上言「深入」者，入已深，知空亦空，不令心在餘事，故言「不亂」。

復次，是菩薩應作是念：「我今未具三十二相、八十種隨形好、十力、四無所畏諸佛法，云何取涅槃證？我今是學時，薄諸煩惱，教化眾生，令入佛道；若我得佛事具足，是時當取證。」是故菩薩雖入三解脫門而不取證。

是中說譬喻。「壯夫」是菩薩，「父母親族」是可度眾生，「險道」是三界生死，「惡賊」是魔民及諸煩惱，「器仗」是菩薩五神通等種種方便力，「還歸本處」是菩薩所行道，「安立不動」是菩薩住畢竟空，以四無量心運致可度眾生著涅槃安樂處。……

(3) 悲願與方便力所持，不捨眾生

須菩提歡喜白佛言：「諸菩薩所為甚難，實為希有！所謂行空而不作證。」

佛答：是菩薩本願諸一切眾生令得離苦，以是本願、大悲心所持故，雖行空，不作證。……

是善根成就，菩薩不取實際證，亦不失四禪等諸功德。

菩薩深入空故，諸根猛利，勝於二乘。……⁶⁰

(六) 大乘與二乘、凡夫的慈悲之比較

1、大慈、大悲相

《大智度論》卷 27〈1 序品〉(大正 25, 256 b13-20)：

【經】大慈大悲，當習行般若波羅蜜⁶¹。

【論】「大慈、大悲」者，四無量心⁶²中已分別，今當更略說。

大慈，與一切眾生樂；大悲，拔一切眾生苦。

大慈，以喜樂因緣與眾生；大悲，以離苦因緣與眾生。

⁵⁹ 《大智度論疏》卷 24：「不專心攝念」已下，菩薩若攝心繫在空緣，則住於空不能出空。今不爾故，所以能出入隨意也。(己新續藏 46, 902c4-6)

⁶⁰ (1) 《小品般若波羅蜜經》卷 7〈伽提婆品 18〉(大正 8, 568c15-569a12)：

佛告須菩提：「菩薩行般若波羅蜜，應觀色空，應觀受、想、行、識空。應以不散心，觀法無所見，亦無所證。…若菩薩具足觀空，本已生心(本願)，但觀空而不證空：我當學空。今是學時，非是證時，不深攝心繫於緣中。爾時菩薩不退助道法，亦不盡漏。…菩薩緣一切眾生，繫心慈三昧，過諸結使，及助結使法，過諸魔及助魔者，過聲聞、辟支佛地，住空三昧而不盡漏。…爾時菩薩行空(無相、無願)解脫門，而不證無相，亦不墮有相。

(2) 《摩訶般若波羅蜜經》卷 18〈不證品 60〉(大正 8, 350b20-27)：

須菩提！菩薩摩訶薩亦如是。於一切眾生中慈悲喜捨心遍滿足，爾時菩薩摩訶薩住四無量心、具足六波羅蜜，不取漏盡證、學一切種智，入空、無相、無作解脫門。是時菩薩不隨一切諸相，亦不證無相三昧。以不證無相三昧故，不墮聲聞、辟支佛地。須菩提！譬如有翼之鳥飛騰虛空而不墮墜，雖在空中亦不住空。

⁶¹ 密=蜜【宋】【元】【宮】。(大正 25, 256d, n.9)

⁶² 參見《大智度論》卷 20 (大正 25, 209a-211b)。

譬如有人，諸子繫在牢獄，當受大罪⁶³。其父慈惻⁶⁴，以若干方便，令得免苦，是大悲；得離苦已，以五所欲給與諸子，是大慈。如是等種種差別。

2、大慈大悲與小慈小悲之別

《大智度論》卷 27〈1 序品〉(大正 25, 256b20-c13):

問曰：大慈、大悲如是，何等是小慈、小悲，因此小而名為大？

答曰：

(1) 四無量心中慈悲為小，十八不共法中慈悲為大

四無量心中慈、悲名為小，此中十八不共法次第說大慈悲名為大。

(2) 餘人心中為小，諸佛心中為大

復次，諸佛心中慈悲名為大，餘人心中名為小。

問曰：若爾者，何以言「菩薩行大慈、大悲」？

答曰：菩薩大慈者，於佛為小，於二乘為大，此是假名為大；佛大慈、大悲，真實最大。

(3) 但心念者為小，令眾生離苦得樂為大

復次，小慈，但心念與眾生樂，實無樂事；小悲，名觀眾生種種身苦心苦，憐愍而已，不能令脫。

大慈者，念令眾生得樂，亦與樂事；大悲，憐愍眾生苦，亦能令脫苦。

(4) 凡夫、二乘、菩薩為小，諸佛為大

復次，凡夫人、聲聞、辟支佛、菩薩慈悲名為小，諸佛慈悲乃名為大。

(5) 大慈從大人心中、十力等大法中出，能破大苦、與大樂

復次，大慈，從大人心中生，十力、四無所畏、四無礙智、十八不共法大法中出；能破三惡道大苦，能與三種大樂——天樂、人樂、涅槃樂。

(6) 大慈遍滿十方三世眾生，令離生死

復次，是大慈遍滿十方三世眾生，乃至昆虫，慈徹骨髓，心不捨離。

若三千大千世界眾生墮三惡道，若人一一皆代受其苦，得脫苦已，以五所⁶⁵欲樂、禪定樂、世間最上樂自恣與之，皆令滿足，比佛慈悲，千萬分中不及一分。何以故？世間樂欺誑不實、不離生死故。

⁶³ (1) 罪=辟【宋】【元】【明】【宮】，=僻【石】。(大正 25, 256d, n.11)

(2) 大辟：古五刑之一，謂死刑。(《漢語大詞典》(二)，p.1386)

⁶⁴ 慈惻：仁慈惻隱。(《漢語大詞典》(七)，p.649)

⁶⁵ (所) —【石】。(大正 25, 256d, n.16)